

三經合卷

作八

三曼陀闍陀羅菩薩經

菩薩受齋經 舍利弗悔過經

三曼陀闍陀羅菩薩經

西晉清信士聶道真譯

序品第一

聞如是一時佛在摩竭提國清淨法處自然金剛座光影甚明無所不遍照與眾摩訶薩等無央數菩薩共會坐三曼陀闍陀羅菩薩文殊師利菩薩最第一文殊師利菩薩問三曼陀闍陀羅菩薩言若有人求菩薩道者善男子善女人欲得無蓋清淨者當施行何等

法自致得之乎

三曼陀闍陀羅報文殊師利菩薩若有善男子善女人欲求菩薩道者當整衣服晝夜各三誓首十方諸佛作禮悔過悔諸所作惡諸所當忍者忍之諸所當禮者禮之諸所當願樂者願樂之諸所當勸請者勸請之如是一

切諸罪蓋諸垢蓋諸法蓋悉除也一切功德悉得具足般若波羅蜜兜沙陀比羅經一切三昧一切諸陀隣尼一切漚惹拘捨羅是為諸經中尊將如是者為已得禮一切諸佛其意至心也

悔過品第二

三曼陀闍陀羅菩薩言一切人身所行口所犯心所念惡一切諸佛刹其中塵等起意念一切諸惡其皆為其悔過

其從本所作為有惡於諸佛諸菩薩諸迦羅蜜父母阿羅漢辟支佛怛沙竭護怛沙竭寺神怛沙竭法中諸所犯過惡須阿摩提阿彌

陀佛刹土一切諸佛一切諸佛刹一切諸佛法若有狐疑起意不信者其為其悔一切罪過其有於一切諸佛諸菩薩諸迦羅蜜諸父母諸阿羅漢諸辟支佛一切諸人所可誹謗者若恣隨欲恣隨癡恣隨自用若有頑很不與人語若為貪婬所牽為慳嫉所牽為貪鬻

所牽為諛諂所牽七百五十諸欲所牽其心亂時不能自尊為一切所蓋為一切所畏所起意有過失今其皆為悔一切罪過

某從阿僧祇劫起惡意於佛若鬪亂比丘僧若害阿羅漢若害父母若見正法言非法若見非法言是法若訓笑一切人所思念常與

作八

○

六

非法之事若他犯過若欲犯若已犯其多沙竭所教誡若犯之今世若前世不知佛法比丘僧時諸所犯過惡今其皆為悔一切罪過某諸所作邪嫉之意若有佛斷止人不得令見若有明經說法者斷止人不得令聞若有迦羅蜜斷止人不得令住會若有人施與鉢

震越飯食牀卧具病瘦醫藥所作功德呵止人不得令與作無央數不正展轉相教起罪今其皆為悔一切罪過

某諸所作罪見人犯者於邊勸助用是故為罪所牽生於末世若生於貧家若離迦羅蜜若有佛不能得見若有菩薩迦羅蜜不能得

與共會而不能得聞經法以諸所作惡故不能及值是聖賢身今其皆為悔一切罪過

某諸所作罪不能及逮聞法或聞法其心不能受法若已受而復忘失不能堅持法不能諦持法而怯劣無瞻其形色不能致得端王所生常少財寶不能得陀隣尼行不能得三

昧行不能得般若波羅蜜行不能得無念慧行不能得漚起拘捨羅所入慧不能得堯沙陀比羅無所罣礙所入慧某一切諸所作罪不能及逮是也今其皆為悔一切罪過

作八

某諸所作罪不能得一切法行所入慧功德不能得一切人意所行慧功德不能得一切人因抵根所入慧功德不能得一切人慧律所入功德不能得一切法慧所入功德不能得一切人泥洹慧功德其一切諸所作罪不能及逮是也今其皆為悔一切罪過

某諸所作罪不能得洞視徹聽不能得神足飛行不能得自知宿命不能得知去來之事

不能得梵天音聲不能得身口意功德不能得清淨高行而不能得具足於功德其一切諸所作罪不能及逮是也今其皆為悔一切罪過若他人起惡意向其若有眾兵若其起惡心向他人若有眾兵若致一切諸蓋所畏其合會於諸佛前諸服諦慧遍諦所言即受諦其於是諦前自歸悔復悔自改舉自發覺自悔責不敢覆藏從今已往不敢復犯願樂品第三

三曼陀毘陀羅菩薩言善男子善女人求菩薩道者當作是願樂今其自歸曉一切於諸佛曉菩薩迦羅蜜及父母諸阿羅漢辟支佛及一切人至心求哀不可曉者今皆曉之如諸佛所知如是者所可自歸為已自歸也復次今其禮一切諸佛一切諸菩薩諸迦羅蜜父母及阿羅漢辟支佛皆為作禮最中至上無上明中明無有雙亦無比如諸佛所知如是者所當作禮為已作禮也

復次今其願禮諸佛功德一切諸菩薩諸迦羅蜜功德諸阿羅漢諸辟支佛功德及十方一切人所作功德如諸佛所知如是者所當禮諸功德為悉禮也是則菩薩慧若善男子善女人有是功德者願樂助其歡喜若有逮佛慧者所當願樂其所願樂也其未作功德者今作功德其皆歡樂其有尊復尊所作功德其亦願樂持其所作願樂功德令十方一切皆悉得也請勸品第四

三曼陀毘陀羅菩薩言善男子善女人求菩薩道者當作是請勸其至心請勸一切諸佛作八今現在佛阿耨多羅三耶三菩及至阿惟三佛其以成悉等知未轉法輪者其請勸諸佛轉於法輪今諸佛所轉法輪者以用請勸故所說經法今一切人各得其所悉令安隱及諸天龍鬼神乾陀羅阿須倫迦留羅甄陀羅摩休勒人非人其在泥黎薛荔禽獸諸勤苦

中者皆令得解脫其無所曉者皆令捨癡意
悉得正意入於佛道復次其諸佛所欲般泥
洹者某請勸且莫般泥洹用一切人故且自
住無央數劫以法身住為無所住所說經法
令一切人各得其所皆令勇猛具足三曼陀
殿陀羅菩薩法行令一切人悉以是為本各
得安隱及諸天龍鬼神乾陀羅阿須倫迦留
羅甄陀羅摩休勒人非人泥黎薜荔禽獸諸
勤苦者早得解脫其無所曉者令捨癡意悉
得正意入於佛道其作邪者皆捨邪道入於
正道悉住於本無法

法行品第五

三曼陀殿陀羅菩薩言善男子善女人求善
薩道者當作施與其所可悔功德所可忍所
可禮所可願樂所可請勸諸功德若欲作若
方作若已作諸所作功德皆一切合會成就
為一福味如諸佛法如佛所知是功德便有
所生致諸佛相能得自恣法諸所施與已受

施與而有施與是施與為正施與無所著斷
其持是法施與功德令一切人皆逮得與法
皆令起意如薩芸若施與等者令其施與合
如三曼陀殿陀羅菩薩所行持是功德令一
切與其莫在泥黎中薜荔禽獸勤苦八惡道
中生皆令生有佛處有菩薩處皆令生須呵

摩提阿彌陀佛刹其持是功德因其好心其
足遍發阿耨多羅三耶三菩心

其持是法施與之功德為一切人作舍作護
受其自歸為作度於冥中作明明中最明於
持中作持持中尊持一切人未度者我當度
之未脫者我當脫未般泥洹者我當令般泥

洹造作一切人皆令發阿耨多羅三耶三菩
心其持是法施與之功德令一切人與其身
等諸所生處所可起意常供養諸佛供養諸
菩薩持前所作供養諸佛菩薩令一切人與
某身不離菩薩法不離迦羅蜜文殊師利及
惟摩竭與三曼陀殿陀羅菩薩等是諸菩薩

所行皆是具足陀鄰尼清淨三昧一心不動
搖皆以成就般若波羅蜜所行悉以曉了漚
愁拘舍羅所入一切於諸法無有差特令一
切人與其逮得是諸菩薩慧行而具足

其持是法施與功德在其泥黎薛荔禽獸拘
繫縛束中人皆得解脫其無眼者得眼聾者
得聽其在勤苦中者皆得安隱若在是佛刹
及彼方佛刹下至阿鼻泥黎上至無極其中
間蠕動之類有足無足者若未來若轉生若
從生若色無色若思想無思想及一切人非
人轉相倚著以時能持佛眼見知悉覺令一
切皆得人形入於佛道聞法悉曉了受皆得

阿耨多羅三耶三菩提心

其持是法施共功德令一切人與其持是功
德悉逮諸佛等行諸菩薩等行諸迦羅蜜行
令一切人皆至供養起願得諸佛刹能令清
淨於三世法曉了能悉等譬如金剛無所不
穿令一切人與其皆令得佛智慧而具足諸

作八

所感動能悉等於諸深慧皆逮得於諸法而
無疑持是功德令其具足願如三曼陀毘羅
羅菩薩法行十種力地皆悉逮以是為證持
是功德願令一切人及其皆令得福
譬福品第六

文殊師利菩薩問三曼陀毘羅菩薩言若

有善男子善女人欲求菩薩道者晝夜各三
悔過勸樂法行如上說其福者云何三曼陀
毘羅菩薩報文殊師利菩薩言若有善男
子善女人奉行菩薩道者持七寶滿闍浮提
地內供養恒沙竭阿羅呵三耶三佛不如是
善男子善女人晝夜各三勸樂法行所當悔
者悔之所當忍者忍之所當禮者禮之所當
願樂者願樂之所當請勸者請勸之所當施
與者施與之晝夜奉行如上教其福出於供
養恒沙竭滿闍浮提七寶百倍千倍萬倍億
倍巨億萬倍終不可比不可計亦不可譬說
是法時無央數諸天於虛空中住持天華香

及妓樂供養敬佛及諸菩薩上
文殊師利菩薩三曼陀跋陀羅菩薩說是經
已諸天龍鬼神阿須倫人非人間經大歡喜
前為佛作禮而去

三曼陀跋陀羅菩薩經

作八

七

菩薩受齋經

西晉清信士聶 道真譯

菩薩受齋法言其自歸佛自歸法自歸比丘
僧某身所行惡口所言惡意所念惡今已除
棄某若干日若干夜受菩薩齋自歸菩薩如
前六萬菩薩皆持是齋我是菩薩如先行菩
薩文殊師利洹那鳩樓阿無陀曇無迦彌勒
阿惟樓尸利沙門陀樓檀那羅首楞及陀宿
命菩薩所持齋我是菩薩持菩薩齋若我分
檀布施當得檀波羅蜜如我受別當得惟逮
波羅蜜一心坐禪當得禪波羅蜜如我說經
當得般若波羅蜜是為漚瑟拘舍羅從是得
摩訶般若波羅蜜如念泥黎中人薜荔中人
畜生中人令得解脫出生為人從是分檀布
施當到須摩提拘樓檀阿彌陀佛前受得三
昧禪是為菩薩受齋法佛告須菩提菩薩有
十念當護之何等十念當念過去佛是菩薩
法當念當來佛是菩薩法當念一切十方現